

道光五年十月初三日

奏



奏為恭報微臣到任接印日期仰祈

聖鑒事竊臣於本年八月在福建鄉試闈中欽奉

恩命

簡任廣東學政臣當於揭曉出闈後恭摺叩謝

天恩遵奉

諭旨即赴新任茲於十月二十八日行抵粵省十一

月初一日准前任學政臣白鎔委員賫送關防

并書籍文卷移交前來臣當即恭設香案望

闕叩頭祇領任事訖伏念學政有宣揚風化之責

粵東為人文薈萃之區矧茲習俗之繁華易啟

士心之浮競臣惟有廉潔自持精勤集事律已

先端其範型方務正其趨以期仰報

聖主鴻慈於萬一所有臣到任接印日期除恭疏具
題外理合敬謹繕摺奏

聞再閩粵兩省秋間雨澤稀少晚禾微欠收成臣於

九月二十九日行過福建泉州大雨兩晝夜南

至詔安均極霑足入廣東界經過惠潮嘉等處

亦陸續得雨雜糧俱尚暢茂合併聲明伏乞

皇上

聖鑒謹

奏

知道了

道光五年十一月 初三 日



